



ԱՐՏԱԿ ԿԱՐԱՊԵՏԻ ԳՐԻԳՈՐՅԱՆ

ԳՐԻԳՈՐ ԵՊԻՍԿՈՊՈՍ ՄԱՆՈՒՉԱՐՅԱՆԸ ԵՎ ՆՐԱ ԱՇԽԱՐՀԱԶՈՐԱՅԻՆ ԿԱՄԱՎՈՐԱԿԱՆ ԶՈԿԱՏԸ

Մինչև տասնիններորդ հարյուրամյակի առաջին քառորդը Հայաստանը գտնվում էր սուլթանական Թուրքիայի և շահական Պարսկաստանի տիրապետության տակ: Զավթելով հայոց երկիրը, նրանք հաստատել էին իրենց արյունոտ տիրապետությունը և մասնատել այդ հնագույն ժողովրդին՝ նրա նկատմամբ կիրառելով ամենավայրենի ազդային ու կրոնական, ձուլման ու խտրական քաղաքականություն, որպիսին լուրջ վտանգ էր հանդիսանում հայ ժողովրդի ֆիզիկական գոյության հարատևման համար:

Դեռևս տասնյոթերորդ դարի առաջին կեսին Թուրքիան և Պարսկաստանը երկարատև ու ավերիչ պատերազմներ էին մղում միմյանց դեմ՝ Հայաստանին տիրելու համար: Այդ պատերազմները վերջացան 1639 թ. գարնանը:

Նրանք 1639 թ. մայիսի 17-ին Կարսե-Շիրիանում պայմանագիր կնքեցին և Հայաստանը բաժանեցին միմյանց միջև: Արեւելյան մասը զավթեցին պարսիկները, իսկ արևմտյանը՝ թուրքերը: Երկատված Հայաստանը դարեր շարունակ իր վրա էր կրում Մերձավոր Արևելքի այդ երկու բռնապետությունների ծանր լուծը՝ միշտ դառնալով ավերիչ զինաբախումների ու պատերազմների բեմահարթակ:

Այդ մասին Խաչատուր Աբովյանը գրում է.

«... Ինչ ուզում են, էն են անում: Դատաստան չկա, իրավունք չկա...»

Աղջիկն ասես, քաշում էին, տղեն ասես՝ տանում թուրքացնում, հավատից հանում, շատ անգամ էլ գլուխը կտրում, էրում, մահատակում...»¹:

Սոցիալ-քաղաքական ճնշումներն ու հալածանքները հայ ժողովրդի լայն զանգվածներին ու նրա առաջադեմ հայացքների տեր շատ մարդկանց մղում էին ելք որոնելու, այդ անտանելի կացությունից դուրս գալու և ազատագրություն ձեռք բերելու համար:

Հայ ժողովրդի անցած դարաշրջանի ողջ կյանքի ընթացքը մեր հայրենասեր գործիչներին հանգեցրեց այն հաստատ համոզման, որ ստեղծված կոնկրետ պատմական իրադրության պայմաններում թուրք և պարսից բռնակալների տիրապետությունից կարելի է ազատվել և ձեռք բերել ազգային ապահովություն միմիայն Ռուսաստանի օգնությամբ ու հայ ժողովրդի անմիջական գործնական մասնակցությամբ:

18-րդ դարի վերջերին և 19-ի սկզբին ավելի է ուժեղանում Անդրկովկասի և հատկապես հայ ժողովրդի ազգային ազատագրական պայքարը պարսկական ու թուրքական բռնակալների դեմ:

Դրան ընդհանուր առմամբ նպաստում էր նաև ռուսական ցարիզմի արտաքին քաղաքական ուղղությունը Արևելքի նկատմամբ, որով նա ձգտում էր իր դիրքերն

¹ Խաչատուր Աբովյան, Երկերի լիակ. ժող., Բ, 3-րդ, էջ 38:

ամբաստանել Ան ու Կառպից ծովերի վրա: Իրա երաշխիքը հանդիսանում էր Կովկասի նվաճումը Ռուսաստանի կողմից և նրա առաջխաղացումը դեպի Անդրկովկաս: Նման իրավիճակը միանգամայն համապատասխանում էր հայ ժողովրդի իղձերին ու ձգտումներին՝ ազատագրվելու պարսից խաների ու թուրք փաշաների ստրկությունից:

1801 թ. սեպտեմբերի 12-ի ցարական կառավարության մանիֆեստով պաշտոնապես ձևակերպվեց Արևելյան Վրաստանի միացումը Ռուսաստանին, որի հետ միասին կամավոր կարգով Ռուսաստանի տիրապետության տակ անցավ Լոռին, Փամբակը, Դազախ-Շամշադինը, Քարվանսարայի (Իջևան) և Հայաստանի հյուսիսի մի բանի այլ շրջաններ: Այս կարևոր հանգամանքն ավելի ոգևորեց հայ ժողովրդին և արագացրեց նրա մերձեցմանը ռուս ժողովրդի հետ:

1804 թ. սկսվում է ռուս-պարսկական պատերազմը: Մինչև 1813 թ. ռուսական բանակը մի շարք փայլուն հաղթանակներ է տանում Անդրկովկասում և պարսկական բռնապետությունից ազատագրում Անդրկովկասի մեծ մասն ու Դաղստանը:

1813 թ. հոկտեմբերին Լարսբադի Գյուլիստան գյուղում կնքվում է հաշտության պայմանագիր, որով Ռուսաստանին են միացվում Արևելյան Վրաստանը, Գուգչայի, Լարսբադի, Թալիշի, Շաքիի, Շիրվանի, Բարվի, Կուրայի, Դեբեդեղի խանություններն ու Դաղստանը:

Այդ կարևոր ակտը առաջադիմական խոշոր նշանակություն ունեցավ հայ, վրացի և արքերջանցի ժողովուրդների համար:

1826 թ. հուլիսին վերսկսվում է ռուս-պարսկական պատերազմը և Ռուսաստանի հաղթանակով այն ավարտվում է 1828 թ. փետրվարին: Փետրվարի 10-ին, Պարսկաստանի Թուրքմենչայ գյուղում կնքված ռուս-պարսկական հաշտության պայմանագրով, Պարսկաստանը մեկընդմիջտ հրաժարվում է Արևելյան Հայաստանից, Վրաստանից, Ադրբեջանից, Դաղստանից, որոնց անցնում են Ռուսաստանի տիրապետության տակ և միացվում նրան:

Աստատմական մեծ իրադարձություն էր և ունեցավ առաջադիմական խոշոր նշանակություն: Դա կարևոր շրջադարձ էր հայ ժողովրդի կյանքում, որով հայ ժողովրդի մի հատվածը ընդմիջտ ազատագրվեց պարսկական դաժան տիրապետությունից, դրանով իսկ կանխվեց նրան սպառնացող ֆիզիկական ոչնչացման վտանգը, նպաստավոր պայմաններ ստեղծվեցին նրա

կյանքի զարգացման համար բոլոր բնագավառներում:

Ռուս-պարսկական պատերազմների ըսկզբից մինչև նրա հաղթական ավարտը հայերը և Անդրկովկասի մյուս ժողովուրդները մեծ օգնություն ցույց տվին ռուսական բանակին՝ անձնագոյն կռիվներ մղելով նրանց շարքերում և պարտիզանական ու աշխարհագրային կամավորական ջոկատներում:

Ռուս-պարսկական 1804—1813 թթ. և 1826—1828 թթ. պատերազմների ընթացքում բազմաթիվ հայրենասերներ ընկան փառքով մարտի դաշտում: Նրանց մեջ իրենց արժանի տեղն ունեն Մելիք Արովի որդի Ռոստոմ Բեկն ու Գրիգոր Եպիսկոպոս Մանուչարյանը՝ իրենց կազմակերպած կամավորական-աշխարհագրային ջոկատներով:

Գրիգոր Եպիսկոպոս Մանուչարյանը ծնվել է 1773 թ. Շամշադինի շրջանի (գավառի) Հին Հախում գյուղում (այն կոչում էին նաև Վարդապետի գյուղ), հոգևորականի ընտանիքում:

Ազգրենական կրթությունն ստացել է Նոր Վարազա վանքի վարժարանում, ապա շարունակել է Թիֆլիսում: Ավարտելով ուսումը ստացել է վարդապետական ատոման ու վերադարձել հայրենի գյուղ, որտեղ հոգևոր աշխատանքի հետ միասին զբաղվել է հայ պատանիների կրթության գործով: Նա իր արտակարգ ընդունակություններով ու գործունեությամբ շուտով աչքի է ընկնում ու լայն ճանաչում գտնում և, իբրև վարժատրություն իր գործունեության, ստանում է շուտով Եպիսկոպոսի աստիճան: 1803 թ. նա արդեն ճանաչված Եպիսկոպոս էր:

Գրիգոր Եպիսկոպոս Մանուչարյանը ճիշտ ըմբռնեց ժամանակաշրջանի քաղաքական իրադարձությունը և հայ ժողովրդի ազատագրության հիմնական հույան ու գաղափարը կապեց Ռուսաստանի հետ: Լինելով քաղաքական առաջավոր մտքի ու գաղափարի տեր մարդ, մինչև Ռուսաստանի կովկասյան արշավանքը, նա քաջատրական լայն աշխատանք է տանում պարսկական ու թուրքական լծի տակ հեծող հայ, վրացի ու ադրբեջանցի ժողովուրդների մեջ՝ սկսած Բորչալուից մինչև Լարսբադ և վճռականապես թելադրում, որ նրանք քարոտական ու գործնական մեծ օգնություն ու նվիրվածություն ցույց տան ռուսական հրամանատարությանն ու զորքերին, որոնք առաջ էին շարժվում դեպի Անդրկովկաս:

Քառորդ դարից ավելի նա հազավ չերբեզի հազուստ, սուրբ վերցրեց մի ձևորը,

խաչը՝ մյուս, և անողոր կույի եղավ պարսից բռնակալների դեմ, որոնք հարյուրամյակներ շարունակ կողոպտում, կեղեքում ու հոգեմաշ էին անում հայ ժողովրդին:

Գրիգոր եպիսկոպոս Մանուչարյանը պատերազմի սկզբից ոտքի հանեց Ղազախի, Ծամշադինի, Քարվանսարայի և Բորչալուի հայ բնակչությանն՝ ընդդեմ պարսկական բռնապետության ու նրա ինքնիշխան խաների:

«Պատերազմի առաջին իսկ օրից Բորչալուում, Ղազախում և Ծամշադինում պարսիկ խաների հրոսակների դեմ քաջաբար կռվում էր Գրիգոր Մանուչարյանի 500 հայ հեծելազորներից կազմված աշխարհագորային ջոկատը...»²:

1803—1804 թթ. Ղազախի ու Ծամշադինի հայ երիտասարդ հինգ հարյուր հոգուց բաղկացած կամավորական-աշխարհագորային հեծյալ-մարտական այս ջոկատը միանում է ուսական առաջապահ զորքերին, որոնք գեներալ, իշխան Պավել Դիմիտրևիչ Ցիցիանովի հրամանատարությամբ արշավում էին դեպի Գյանջա քաղաք՝ այնտեղ ամրացած Ջավադ-խանին և պարսիկ ղզլբաշներին դուրս մղելու համար:

Այդ ջոկատը մեծ արիություն ու հերոսություն ցուցաբերեց Գյանջալի տակ տեղի ունեցած նշանավոր ճակատամարտում և ջախջախիչ հարված հասցրեց թշնամու մեծաթիվ զորքերին:

«... Գեներալ Ցիցիանովը, իր դիտակետից նկատելով Մանուչարյանի ջոկատի հերոսական ճակատամարտը, որը այնքան էլ վստահություն չուներ նրանց նկատմամբ, բարձր գնահատեց ջոկատի մարտական գերազանց գործողությունն ու շտապ հասնելով ռազմի դաշտ, շնորհավորեց նրանց հաջողությունները և պարգևատրեց ջոկատի շատ անդամների ու նրա հրամանատար Գր. Մանուչարյանին՝ ամրացնելով նրա կրծքին «Սուրբ Գեորգի»-ի 4-րդ աստիճանի զինվորական խաչ» շքանշանը, հանձնելով նրան 300 ռուբլի թոշակ նշանակելու փաստաթուղթ»³:

Ջոկատը շատ կարևոր ու խոշոր դեր կատարեց Ծամշադինի և Բորչալուի գավառների հայկական ու ադրբեջանական շատ գյուղեր պարսկական հրոսակախմբերի հարձակումներից և ավարտություններից պաշտպանելու գործում: Ջոկատը,

ինչպես տրված է պատմական աղբյուրներում, շատ հաճախ խոր անցումներ է կատարել հակառակորդի թիկունքը և մարտի բռնվել նույնիսկ պարսկական կանոնավոր բանակի զորամասերի հետ և գերությունից ազատել բազմաթիվ հայ ընտանիքներ:

Գեներալ Գուդովիչի հրամանով 1808 թ. երևանյան արշավանքին ուսական բանակի հետ միասին մասնակցում էր նաև կամավորական այդ հեծյալ ջոկատը, որը մեծությամբ ցուցաբերում է բարձր կարգապահություն և գերազանց կատարում իր վրա դրված մարտական բոլոր առաջադրանքները:

Գրիգոր եպիսկոպոս Մանուչարյանի ջոկատն իր մարտական գործողություններով աչքի է ընկնում նաև Նախիջևանի ճակատամարտում՝ մարտի բռնվելով թվով գերակշիռ ուժերի հետ: Այստեղ վիրավորվում է ջոկատի հրամանատար եպիսկոպոսը և հազիվ ազատվում մահից, բայց մինչև իրեն դուրս բերելը ճակատի գծից, այդ վիճակով դեկավարում է մարտը, որով ավելի է ոգևորում իր քաջերին:

Այդ և մի շարք այլ ճակատամարտերում ցուցաբերած արիության և հերոսությունների համար կամավորական ջոկատի շատ անդամներ և նրա հրամանատար Գր. Մանուչարյանն արժանանում են պարգևների, նույնիսկ կրկնապատկվում է նրա թոշակը: Այդ մասին Ա. Երիցյանը գրում է.

«Կոմսի (Գուդովիչի) առաջարկությամբ կարգը առանձին հրովարտակով պարգևատրում է նրան «Վլադիմիրի» և «Աննայի» շքանշաններով և նշանակում 600 ռ. թոշակ...»⁴:

1819 թ. ամռանը Մանուչարյանը կատարում է շատ լուրջ և պատասխանատու հանձնարարություն:

Նա 40 կտրիճներով ճեղքում է թշնամու օղակը և Հաղպատի վանքում շրջափակված Եփրեմ կաթողիկոսի կյանքը փրկելով, նրան անվտանգ հասցնում Թիֆլիս քաղաք:

Ուշագրավ է Խրամ գետի մոտ՝ Բորչալուի դաշտում տեղի ունեցած ընդհարումը Մանուչարյանի փոքրաթիվ ուժերի և պարսիկների 300 հոգուց բաղկացած հեծյալ ջոկատի միջև:

Կաթողիկոսին տեղափոխելու ժամանակ պարսիկ ղզլբաշները դարանակալ թաքսուտցուներից հանկարծակի գրոհում են: Տեղի է ունենում սարսափելի մարտ՝ մեկը՝ երեքի դեմ: Հաղթելու հույս չկար: Գր. Մանուչարյանի ձին գնդակից սատկում է: Մա-

² Հայ ժող. պատմ., ակադ. հր. հատ. Երևան, 1974 թ., էջ 127:

³ Ալեքսանդր Երիցյան, Ամենայն Հայոց Կաթողիկոսությունը և Կովկասյան հայքը 19-րդ դարում, էջ 244:

⁴ Ա. Երիցյան, նույնը, էջ 245:

նույնարյանը չի վնասվում, նստում է ուրիշ ձիու վրա և կրկին գրոհում թշնամու վրա, այդ օրհասական մարտը տևում է կես ժամ: Մանուշարյանն իր քաջերով մեծ դժվարությամբ ճնդքում է պարսկական զորաշարքը և փրկում կաթողիկոսի կյանքը:

Այդ ժամանակաշրջանում Շամշադինի գավառում խռովություն էր սկսվել տեղական թուրքերի կողմից: Գեներալ Երմոլովի պահանջով Մանուշարյանը 500 հոգով Թիֆլիսից մեկնում է Շամշադին, Ղազախ և Սևանի կողմեր, ճնշում ապստամբությունը և գերությունից ազատում մի քանի հարյուր հայ ընտանիքների:

Մանուշարյանն իր ջոկատով, քազմաթիվ անգամներ ծանր կորուստներ պատճառելով թշնամուն, կարողացել է խել մեծ թրվով հայ և ադրբեջանցի ընտանիքներ, որոնց պարսիկները բռնությամբ տեղահան էին արել և որպես գերիներ տանում էին Պարսկաստան: Ազատելով նրանց, անվրձառ հասցրել է իրենց հայրենի օջախները և ապահովել նրանց հետագա անվտանգությունը:

Ռուս-պարսկական պատերազմի առաջին շրջանում մղած մարտերի ժամանակ բախկանին աչքի էր ընկել Մանուշարյանի աշխարհագրային ջոկատը և ձեռք էր բերել մարտական հարուստ փորձ:

Իսկ պատերազմի երկրորդ շրջանում (1826—1828 թթ.), երբ կովկասյան բանակն անցավ հակահարձակման, ռուս զորքերի հետ միաժամանակ հայկական այս ջոկատը մարտական ակտիվ գործողություններ վերսկսեց Ղազախ-Շամշադինից մինչև Արաքսի ափերը՝ մեծ կորուստներ պատճառելով հակառակորդի կանոնավոր բանակին:

Հակառակորդի դեմ ռազմական գործողություններ մղելուց քացի Գրիգոր եպիսկոպոսի գլխավորած ջոկատի օգնությունը կովկասյան հատուկ կորպուսին արտահատուկա՞ծ էր նաև այլ ձևերով:

«...Հարկ եղած դեպքերում նա հաջողությամբ սրաշտախանում էր Թիֆլիս—Երևան ռազմա-ստրատեգիական կարևոր նշանակություն ունեցող ճանապարհները, կապավորի դեր էր խաղում ռուս զորամասերի և գլխավոր հրամանատարության միջև, իսկ երբ Հայաստանում գործող զորամասերը ճնդվում էին պարենի պակասությունից, Գր. Մանուշարյանի ջոկատն իր վրա էր վերցնում նրանց համար պարեն հաթաթելու դժվարին գործը»⁵:

Գլանջալի և Շամխորի ճակատամարտե-

րից հետո Հասան խանը մտադրվում է մեծ ուժ բերել Դիլիջանն ու Լոռին վերագրավելու համար: Այդ վտանգավոր պահին Դիլիջանի ձորի պաշտպանությունը հանձնարարվում է Մանուշարյանի ջոկատին, որը առանձին ոգևորությամբ ընդունում է այդ առաջադրանքը:

Եփրեմ կաթողիկոսի՝ գեներալ-ֆելդմարշալ Պասկևիչին գրած մամակից երևում է, որ 1827 թ. ամենավտանգավոր ժամանակ Գրիգոր եպիսկոպոսը պարսից սահմանից մոտ հազար թուրք տնտեսություններ է ետ վերադարձնում, որոնք ապստամբ աղալարների թելադրանքով գնում էին Պարսկաստանում բնակվելու:

Մանուշարյանն իր ջոկատով պահպանում էր նաև կարևոր անցուղիներն ու ճանապարհները, ամենուրեք ունենալով պահուցիկներ ու վառարանի տեղաբնակներ:

Նա չթողեց վերադառնալ պարսից Զոհրաբ խանին, որ իր զորքով ու աղալարներով մտել էր Շամշադինի Ամիրխան գյուղ⁶, և սրանով իսկ ռուսական սակավաթիվ ուժերին պաշտպանելու տվեց ջախջախելու պարսիկներին և ապստամբ աղալարների ջոկատներին: Տեղի ունեցած կռիվ ժամանակ հակառակորդը ունեցավ մեծ կորուստներ, ապստամբ աղալարների մեծ մասը գերի վերցվեց ռուսների կողմից: Բացի այդ նա իր շամշադինցի հայերով մեծապես օգնեց վրաց կամավոր զորքին՝ ջարդելու Ասիիկ գետի մոտ պարսից Մահմադ Ջաման խանին, և Շամշադինի ապստամբ աղալարներին:

Դրիգոր եպիսկոպոս Մանուշարյանը հեղու համեստ մարդ է եղել, քայց երբ մտել է ռազմի դաշտ, եղել է խիստ համարձակ ու սարսափելի: Նա մեծ ուշադրություն էր դարձնում փոքրիկ աղմուկների կազմակերպման վրա, որտեղ վարժեցնում էր իր քաջերին և գրոհներ կազմակերպում թըշնամիների վրա: Ընայած այդ պատմական օրերից անցել է 150 տարուց ավելի, քայց և այնպես նրա և իր օգնականների ստեղծած աղմուկները մինչև այսօր կոչվում են նրանց անունով, կամ ողղակի կրում են «Սղմախ» անունը:

1826 թ. ամռանը խիստ վտանգավոր փնակ է տեղի ունեցել: Երևանի խանի հրամանով Ղազախ-Շամշադին է գալիս պարսից զորապետ Նադիր խանն իր զորագնդով, որն օգնություն առնալով տեղական աղալարներից ու դավաճան Ալեքսանդրից, սկսում է հայ և ադրբեջանցի բնակչությանը բռնությամբ տեղահանել՝

⁵ Հայ ժող. պատ., ակադ. հր., հ. 5, Երևան, 1974 թ., էջ 141:

⁶ Ամիրխան գյուղը այժմ գտնվում է Ադր. ՍՍՀ Թովուզի շրջանում:

Պարսկաստանն քշելու նպատակով: Այդ օրհասական պահին շտապ օգնության է հասնում հայ ազգի գեներալ Մադաթյանը (Մադաթով), իր հետ ունենալով 2000 ռուս և 300 վրացի հեծյալ զինվորներ: Մադաթովի զորագնդին է միանում Գր. Մանուչարյանի ջոկատը, որոնք միացյալ ուժերով ջախջախում ու դուրս են շարտում պարսիկներին՝ կանխելով բնակչության տեղահանումը: Թշնամու որոշ զորագնդերի հաջողվում է փախուստի մատնել, սակայն նրանց հաջողվում է նաև նախօրոք գերված շատ ընտանիքներ տանել իրենց հետ: Այդ մասին կա մի հետաքրքիր տապանաքար, որի վրա արձանագրված է հետևյալը (տապանաքարը գտնվում է Բերդ գյուղի ս. Սարգիս եկեղեցու մոտ):

«ԿՊԱՏԿԱՆԻ ԱՅՍ ՏԱՊԱՆՆ ԹՈՎՈՒՋ ՂԱԼԱՅ ԳՅՈՒՂԻ ԲՆԱԿՉԻ ՊԱՐՈՆ ԱՌԸՏԱԿԻՆ ՄԵԼԻՔՅԱՆՑ ՍԱ ԷՐ ԱՅՐ ՊԱՐԿԵՇՏ ԽԱՂԱՂԱԲԱՐ ԱՍՅՑ 1826 ԱՄԻ ԸՆԿԱՎ. Ի ՄԵՋ ՏՍՐԱՍԱՆՏՈՒԹԵԱՆ, ԵՐԲ ԵԿՆ ԶՕՐԱԳԼՈՒԽՆ ՆԱՂԻՆԱՆ ՊԱՐՍԻՑ ԵՎ ԳԵՐԻՎԱՐԵՑԱՎ Ի ՍԱՐՆԵ ԵՕԹՆ ՀՈԳԻ ԵՎ ԻՆՔՆ ԱՇԽԱՏԱՍԵՐ ԳՈՂՈՎ ՄԻՆԶԵՎ ՇՐՋԵՆՈՎ ԱՐՏԱՍՈՒԱԼԻ ԱՇՔ Ի ՍՆՀՄԱՆՍ ՊԱՐՍԻՑ ԱՆԴ ԷԳԻՏ ԶԳԵՐԻՔՆ ԻՐ ԵՎ ԳՆԵԱՅ ԱՄԵՆ ՄԵԿԸ ՀԱՐՅՈՒՐ ԵՎ ՏԱՍԸ ՄԱՆԵՐ ԱՐԾԱԹԻ ԱՍՅՑ ԶԿՆԻ ԱՋԱՍԱՐՆ ԳԵՐԷԱՑ...»: Բարի մյուս երեսին գրված է. «1833 թ. մարտի 15 եղբայր Ավագի որդի Գրիգոր»:

Ղազախ—Ծամշաղիին և Բարվանսարայի շրջաններից ղզբաշներին դուրս մղելուց հետո Մանուչարյանն իր ջոկատով անցնում է Բորչալու և ճնշում այնտեղ ծագած աղալարների և բեգերի խռովությունները: Այդ ժամանակ խռովություններ էին սկսվել նաև Ղազախ—Ծամշաղիում, որի պատճառն այն էր, որ խռովարարները չէին ուզում ենթարկվել ռուսական ուղղությանը: Գր. Մանուչարյանը տեղեկություն ստանալով այդ մասին, շտապ ետ է վերադառնում և ճնշում նաև այդ խռովությունը:

Այնուհետև ռուս զորքի, տեղական սրղ-նախների ու բնակչության ակտիվ օժանդակությամբ Գր. Մանուչարյանի քաջարի ջոկատը Ծամշաղիից դուրս է մղում այնտեղ դարանակալած Սարդար Հյուսեյին Ղուլի խանի զորքերին: Ապա կտրում են խունապահար փախչող պարսիկների ճանապարհը և ազատում մի քանի հարյուր հայ ընտանիքների, որոնց թշնամին բռնությամբ տանում էր իր հետ:

1826 թ. սեպտեմբերի 3-ին Ծամբոր գետի ափին, գեներալ Մադաթովի զորքերի հետ միասին, Մանուչարյանի ջոկատը

մասնակցում էր պարսից Սարդար Ամիրխանի թվով գերակշիռ բանակի դեմ տեղի ունեցած ճակատամարտին, որտեղ ջոկատի շատ անդամներ և անձամբ նրա հրամանատարն աչքի են ընկնում մարտում: Թշնամին խայտառակ պարտություն կրելով դիմում է փախուստի, տալով 1000 հոգու գերի, 2000 սպանված, որոնց թվում նաև Սարդարը, դաշտում թողնելով զինվ. 4 դրոշակ և 2 թնդանոթ ու շատ զինամթերք:

Այլ Մադաթովն իր առաջադրանքները գերազանց կատարելու համար կայսրից ստանում է գեներալ-լեյտենանտի զինվորական կոչում և ադամանդազարդ թուր՝ որպես պարգև:

Պատերազմի սկզբից մինչև նրա հաղթական ավարտը Գր. Մանուչարյանն իր մարտական հեծյալ ջոկատով բարձր պատասխանատվությամբ էր կատարում իր ռազմա-քաղաքական օգնությունը ռուսական հրամանատարությանն ու բանակին: Այդ մասին մանրամասն կարգով նկարագրել է Եփրեմ կաթողիկոսը գեներալ-ֆելդմարշալ Ի. Ֆ. Պասկևիչին գրած նամակում: Նա շատ գովեստով ու հիացմունքով է խոսում կամավորական ջոկատի և նրա հրամանատարի հայրենասիրական քաջագործությունների, նրանց կարգապահության, ռազմաճակատներում նրանց մարտունակության, գերազանց գործողությունների և բարձր արժանիքների մասին, ինչպես և նրանց նվիրվածության ու ժողովրդի նկատմամբ ունեցած հոգատարության վերաբերյալ:

Նամակի վերջում կաթողիկոսը գրում է. «... Նա այնքան համարձակ ու քաջն էր, որ մենակ էլ էր գործում, մինչև Թիֆլիս գրություն հասցնում Երմոլովին... Վերջապես ազատեց իմ կյանքը: Նա արժանի է իր օրինակելի ծառայություններով օգուտոսափառ արքայի առանձին ուշադրության:

Խնդրում եմ միջնորդել Գրիգորին պարգևատրելու: Ձերդ պայծառափայլության խոնարհ ծառայ և աղոթարար պատրիարք ամենայն հայոց Եփրեմ 1828 թիվ 4-յուլիս»⁷:

Փաստական աղբյուրներից պարզվում է, որ Մանուչարյանը շատ մտերիմ կապերի ու շփման մեջ է եղել հայ ու ռուս ճշմարտի շատ գործիչների՝ Այ. Գրիբոյեդովի, գեներալներ Երմոլովի, Այ. Մադաթովի, գրող Խաչատուր Աբովյանի, Ներսես Աշ-

⁷ Ա. Երիցյան, Ամենայն Հայոց կաթողիկոսությունը և կովկասյան հայքը 18-րդ դ., էջ 149—150:

տարակեցու և ոռոտական բանակի բարձրաստիճան հրամկազմի հետ:

Երևանի բերդի գրավումից հետո ոռոտական կովկասյան ռազմաճակատի գլխավոր հրամանատար Պասկևիչն իր զորակազմում հրավիրում է բարձրաստիճան հրամկազմի և հոգևոր վերնախավի խորհրդակցություն՝ իրենց հետագա անելիքների մասին: Այդտեղ մասնակցում էր նաև Գրիգոր եպիսկոպոս Մանուչարյանը, որը կրակոտ եղությամբ է ունենում և ասում.

«Հոգևորականի աջ ձեռքում պետք է լինի տուրք, ձախում՝ խաչը, սրով պետք է ճանապարհի բացել, իսկ խաչով աչք ճանապարհով շարժվող զորագնդերին աղոթել...»:

Մանուչարյանը միշտ կանգնած է եղել աշխատավոր ժողովրդի շահերի պաշտպանության դիրքերում: Պատերազմի ընդմիջող տարիներին Մանուչարյանի խնդրանքով ու առաջարկությամբ և կովկասյան ռազմաճակատի գլխավոր հրամանատար, շեֆերա Երմոլովի միջնորդությամբ ու օգնությամբ Ղազախ—Շամշադինի ու մի շարք այլ վայրերի գյուղացիությունն ազատվում է աղալարների կախումից և օրենքով ճանաչվում որպես պետական գյուղացիներ: Նրանք այլևս չէին ենթարկվում աղալարներին ու հրաժարվում են պարտավորությունների կատարելուց²:

Ռուս-պարսկական պատերազմի ժամանակ իրենց հաջրենասիրությամբ և արիությամբ աչքի են ընկել կամավորական ջոկատի շատ մարտիկներ, որոնցից են՝ Հակոբ Փառորանը, Լույսազանց Գրիգորը, Բելյու Քալանթարյանը, Գրիգոր Մելյանը, Սևունց Բոլին, Սավրունց Տեր Գրիգորը, Սոսի աղա Քալանթարյանը, Մելիք Հոհաննան, որսորդ Խամաթ Թունին, Առստակ Մելիքանցը, Բրուսա Սարգիսը, Գր. Մանուչարյանի եղբայր Գալուստը, Սարգիս Լալիգեղյան, Սերգեյ (Սարգիս) Վարշամովը, Հովհաննես և Ադամ Ալիբեկյանները, բժիշկ Հովհաննես Բաղրամովը, Թադիբեկյանը, Արան և շատ ուրիշներ:

«Արանց մեծ մասը պարգևատրվել են ջրանշաններով, մեդալներով, թանկարժեք նվերներով ու զենքերով, իսկ ջոկատի հրամանատարը՝ «Ա. Գեորգևսկի», «Աննայի» և «Վլադիմիր» ջրանշաններով և մի շարք մեդալներով ու ոսկեպատյան թրով»³:

1826 թ. Գրիգոր եպիսկոպոսի եղբայր Գալուստը գերի է վերցվում պարսից զորքի կողմից և տեղափոխվում Երևան: Հասան խանը որոշում է գլխատել նրան, բայց Նազի խանի միջնորդությամբ գերին ազատվում է հետևյալ պայմանով, որ Գալուստը վերադառնա Շամշադին, իր հաջրենակիցներին համոզի, որ նրանք ետ կանգնեն Ռուսաստանի հետ համագործակցություն, ազատագրական պայքարից ու պարսիկների դեմ կովկաս, որի կատարման համար նրան տրվում էր չորս օր ժամանակ: Եթե չկատարեր խանի հրամանը, նրա գլուխը պետք է հազար կտոր արվեր: Գալուստը համաձայնվում է ու վերադառնում Շամշադին, ներկայանում Մադաթովին ու իր եղբորը, հաղորդում խանի որոշումը և զենք վերցնում ու դաժան կովի ելնում պարսիկների դեմ: Հասան խանը լսելով Գալուստի երդմնազանց լինելու մասին, հրամայում է անպայման զանգը նրան և ներկայացնել իրեն: Նրա գլխի համար նշանակվում է հազար ոսկի, իսկ կենդանի քերելու դեպքում՝ երկու հազար ոսկի պարգև:

Սակայն, ինչպես Խաչատուր Աբովյանն է ասում, նրա որոնողները զոհ դարձան Գալուստի սրին: Նա շատ ճակատամարտերի մասնակցեց, մարտերով հառապ Բորչալու և անհալվասար ճակատամարտերից մեկում զոհվեց՝ հանուն հայ ժողովրդի ազատագրության, որպես մի քաջ ու հերոս աշխարհագրուստի:

Հայաստանի պետական պատմական թանգարանում պահվում է «Էպիգոլ Գր. Մանուչարյանի հրամանատարությամբ գործող հայկական աշխարհագրուստի ջոկատի մարտական գործողություններից» նկարը, որի հեղինակն է Հրաչյա Ռոխկյանը: Պահվում է նաև հայ աշխարհագրուստիների մարտական որոշները:

Խաչատուր Աբովյանը շատ բարձր է ձեռնադրում և գովաբանում խոստով Մանուչարյանի մասին: Երբ եպիսկոպոսի հաջրենի գյուղը պարսիկների քար ու քանդ էին արել և բնակչությանը գերի էին տանում, «Նա երեսուն հոգով մտավ հինգ հազար մարդի մեջ և առյուծի պես իր ժողովրդին ազատեց, նրանց եպիսկոպոս քերեց: Էս միջոցին Երմոլովն էլ եկավ հասավ... Սա էլ ճակատը համբուրեց ու շատ անգամ խնդրեց, որ իրան տաի, թե ինչ պարգև ա ուզում թագավորիցը քերել տա: Ամմա՛ն եպիսկոպոսն են խնդրեց, որ Շամշադինու, Ղազախի ու Բորչալվի հայ ազգը թուրքի ձեռիցը ազատվի...»:

² Վարդան Պարամյան, Հայ ժող. պատմ., Երևան, 1960, սր. 7, էջ 31—33:

³ Վ. Պարամյան, Հայ. ժող. պատմ., Երևան, 1960, սր. 7, էջ 31—33:

Խնդիրքը կատարվեցավ ու ինքն էլ արքայական պսակին ու թոշակին արժանացավ...»¹⁰:

Ժամանակի առաջադեմ շատ մարդիկ ըստ արժանվույն ու բարձր են գնահատել Գրիգոր Մանուչարյանի ռազմական ու քաղաքական գործունեությունը ուսուսարական պատերազմի շրջանում՝ որպես հայրենասերի, ազնիվ ու համեստ մարդու, համարձակ ու վճռական հրամանատարի, հասարակական ու քաղաքական գործչի, որը ճիշտ ու ժամանակին հասկացավ, որ առանց ուսուսարական ռազմա-քաղաքական օգնության անհնարին է հայ ժողովրդի ազատագրումը պարսկական ու թուրքական տիրապետությունից:

Նա խիստ դեմ էր այն մարդկանց, որոնք քաղաքական կարծիք ունեին Ռուսաստանի նկատմամբ և ստորաքարշաքար հայ ժողովրդի ազատագրության հույսը կապում էին եվրոպական պետությունների միջնորդության ու օգնության հետ:

Ավելի քան քառորդ դար Գր. Մանուչարյանն իր սուրը պատյան չդրեց, մինչև պարսից բռնակալների լիակատար վնասումն ու ջախջախումը հայրենի երկրից: Նա տեսավ ազատագրված Երևանն ու Արևելյան Հայաստանը, նրա տանջված, բայց սրտեմ ազատագրված և ուրախացած ժողովրդին, խաղաղ կյանքի ուրախ դրած հույ ժողովրդին: Նա իր ջոկատի գլուխն անցած մարտերով անցավ մայր Արաքսը, կանգ առավ Թուրքմենչայում, ներկա եղավ հաղթանակի հանդեսին: Իր նվիրական ու անգնահատելի ծառայություններով ուրախացրեց ու ոգևորեց տասնյակ հազարավոր մարդկանց: Բարձր գնահատելով ազատությունը, նա դեմ էր ամեն տեսակ բռնության, որի համար էլ նա կուլեց ոչ միայն պարսիկ ու թուրք ջարդարարների, այլև տեղական հարստահարիչների ու դավաճան աղալարների դեմ:

Ռուս-պարսկական պատերազմը վերջանալուց հետո նա իր ջոկատի անդամների հետ միասին վերադառնում է հայրենի Ժամշադին, իր սիրելի Հախում գյուղ, և շարունակում ինչպես հոգևոր, այնպես էլ լուսավորական ու տնտեսական աշխատանքները: Վերանորոգում է Նոր Վարագա վանքը, բացել է տալիս եկեղեցական և ծխական դասարաններ և կազմակեր-

պում պատանիներին կրթելու գործը, անձամբ ինքն է պարապում Նոր Վարագա վանքին կից դպրոցում:

Նա հանգիստ չէր նստում նաև խաղաղ ժամանակ: Երբ լսում էր, որ որևէ տեղ թուրք բեկերը կամ աղալարները նեղացնում են գյուղացիներին, կամ հողագրկում են նրանց, նա իսկույն մի քանի կտրիճներ էր վերցնում և օգնության հասնում: Հալերը նրան անվանում էին քաջ տեր, «աղա տեր», իսկ թուրքերը՝ «Դալի քեշիշ»: Այս անվանումները տրված են նրա համարձակության, նրա անսպառ եռանդի և վճռականության համար:

Նրան իրավացիորեն անվանում են ժողովրդական մարդ:

Մանուչարյան եպիսկոպոսին շատ բարձր է գնահատել անմահ Խաչատուր Աբովյանը: Նա իր «Ողբ հայրենասերի» գրքում գրել է.

«Էսքան անվանի, էսքան քաջության տեր էր էս օջախը, բայց էլի ով Գրիգոր եպիսկոպոսին տեսներ, հոգին հետը կերթար, էն զարմանալի սրտի տերն էր, քաղցր լեզուն, էն անուշ բնությունն ուներ, երեխի պես կնետեր կպատմեր ինչ գլխովն անց էր կացել, բայց ինչ հարկավոր է բանը երկարացնի: Քանի Կավկազյան սարը կա՝ Մատթեոսի ու սրանց արածը հավիտյան կհիշվի կասկի...»¹¹:

Նա ոչ միայն հայ ժողովրդի պանծալի զավակներից մեկն է, այլև մի հատուկ հեղինակություն է հորչարուի, Ղազարի, Ժամշադիի հայ և աղբյուրանցի բնակչության համար:

Այդ երախտավոր հոգևորականի, քաջ հրամանատար մարտիկի և փառավոր մարդու աճյունը հանգչում է իր ծննդավայր Հին Հախում գյուղի ու Հովհաննես եկեղեցում, որի վրա դրված համեստ տապանաքարի վրա գրված է.

«ԵՊԻՍԿՈՊՈՍ ԳՐԻԳՈՐ ՄԱՆՈՒՉԱՐՅԱՆ»:

Նա զոհվեց 73 տարեկան հասակում 1846 թ., Տավուշից հայրենի գյուղ գնալու ժամանակ, ճանապարհին՝ դարանակալ թշնամու արձակած գնդակից:

Գրիգոր եպիսկոպոս Մանուչարյանի պնդած կյանքի ու հայրենասիրական դրվագներով լի ողին դաստիարակչական մեծ դպրոց է հայ սերունդների համար:

¹⁰ Խաչատուր Աբովյան, Ողբ հայրենասերի, 1959 թ. էջ 187—188:

¹¹ Խաչատուր Աբովյան, Ողբ հայրենասերի, էջ 188: